

GASPAR

A TIEMPO COMPLETO

Un repaso a la vida del comandante
Gaspar García Laviana
a 40 años de la so muerte
en combate en Nicaragua.

RUMA BARBERO





Samartín del Rei Aurelio ye'l conceyu de nacencia de **Gaspar García Laviana**. **Llangréu** ye'l conceyu onde vivió los sos primeros años. Dos conceyos de la **cuenca minera del Nalón**.



Ubicación de los principales llugares nos que trespasen los fechos que se cuenten nesti llibru, nel sur de **Nicaragua**.



Guión y dibuxos: **Ruma Barbero** (a partir del llibru **“Gaspar Vive”** de Manuel Rodríguez García)
Revisión llingüística: **Miguel Rodríguez Monteavaro**.

VALDIVIESO, SANDINO, GASPAR...

Lo que pasó en Nicaragua tres de **Gaspar** foi'l trunfu en 1979 d'una de les revoluciones más fecundes del mundu, lluminoses, esperanzaores, heroiques, increíble a tan pocos kilómetros del monstuu, que, aína, so la presidencia de **Reagan**, sometiera a la más bederre de les agresiones béliques y económiques que costó'l sangre de más de 50.000 nicaragüenses. (El Tribunal de La Haya condergó a EE. XX. a 18.000 millones de dólares pola destrucción del puertu de Corinto).

Enantes Nicaragua tuviera otu trunfu esencial: el "**pequeñu exércitu llocu**" d'**Augusto César Sandino** llogró echar a los marines yanquis del so país. **Sandino** ye l'heriedu de sangre y la síntesis de la conciencia nacional patriótica nica.

La poeta chilena Gabriela Mistral, premiu Nobel de lliteratura, consideró a **Sandino** un **héroe llatioamericanu**, y bautizó a los sos siguidores como "pequeñu exércitu llocu de voluntá de sacrificiu". Como defensora nel so tiempu de l'autodeterminación de los pueblos y la non intervención, albidraba la muerte del nica antiimperialista: "Seique caiga agora esa tiesta ensin peñar que trai lloques les cabeces acepillaes de los *marines* ocupantes".


El "**Xeneral d'Homes Llibres**", **Sandino**, foi traicionáu y asesináu en 1934 pol primer **Somoza**, xefe d'una guardia creada polos *marines* gringos.

EL **FSLN**, en 1961, toma referencia de lliberación nacional por esti **Sandino** antiimperialista: el so himnu retruca esa referencia llatioamericana "*Los fíos de Sandino / nin se vienden nin se rinden / lluchamos contra'l yanqui / enemigu de la humanidá*", de la qu'aspira a "*Güei l'amanecer dexó de ser una tentación / mañana dalgún día va surdir un nuevu sol / que va haber d'allumar tola tierra / que nos mandaron los mártires y héroes / con caudalosos ríos de lleche y miel.*"

Nicaragua yá tuviera enantes otra invasión, la del filibusteru esclavista norteamericanu Willian Walker, que se proclamó presidente en 1856: la rempuesta foi tamién la sublevación popular.

Y más atrás nel tiempu destácase la figura del obispu **Valdivieso**, ñació en Burgos, defensor de los derechos de los nativos indíxenes: por esi motivu foi asesináu pol fíu del gobernador español en 1550.

El dominicu **Valdivieso**, l'obreru y xeneral **Sandino**, y el sentimientu antiimperialista y llibertariu, amestáronse nel **FSLN** p'alzase contra la tiranía somocista, y **Gaspar García Laviana** foi parte consecuente d'esa rebeldía.



Javier Arjona

GASPAR GARCÍA LAVIANA NACIÓ EN 1941 EN LES ROCES, NEL CONCEYU DE SAMARTÍN DEL REI AURELIO, ASTURIÉS Y FO' L MAYOR DE TRES HERMANOS D'UNA FAMILIA MINERA.

EN 1952, TOVÍA MUI NEÑU, ENTRA NEL SEMINARIU DE LOS MISIONEROS DEL SAGRAU CORAZÓN DE VALLADOLID, ONDE DIBA ESTUDIAR SEIS AÑOS.



AL POCO, LA FAMILIA FOI VIVIR AL PUEBLU LLANGREANU DE TIUYA.

LA SO DESESPERACIÓN COL LLATÍN Y L'ESCESU D'ORACIÓN TUVIERON A PIQUES DE FACE-Y ABANDONAR LOS ESTUDIOS.



ÚN DE LOS SOS PROFESORES ELLI FO' L PADRE PEDRO BELZUNEGUI, COL QUE MAS P'ALANTRE DIBA COINCIDIR EN NICARAGUA.



DESTACÓ NEL TEATRU, MIENTRES QUE LOS DEPORTES NUN SE-Y DABEN BIEN.



LOS SOS AÑOS D'ESTUDIANTE VAN COINCIDIR COL CONCILIU VATICANU II, QUE VA CAMBIAR LES FORMES DE LA ILESIA CATÓLICA.

COMO CATEQUISTA NOS BARRIOS OBREROS ENTAMA'L SO CONTACTU CON ORGANIZACIONES OBRERES CRISTIANES COMO LES JOC Y LA HOAC.



ESTA YE LA MIO REMPUESTA: ¡AIRE FRESCU!



L'AÑU D'ESTUDIOS DE FORMACIÓN PASTORAL FOI EN MADRID, ONDE SIENDO ENTA ESTUDIANTE DIÓ-Y IMPULSU A UNA COOPERATIVA DE VIVIENDES PA LOS OBREROS DEL BARRIU LA ESTRELLA.

TAMIÉN APROVECHÓ AQUEL AÑU PA FORMASE EN SOCIOLOXÍA, ESTUDIOS QUE-Y VALDRÍEN DE MUNCHO NEL FUTURU.



ORDENAU CURA EN 1966, TRABAYA NEL BARRIU D'EMIGRANTES DE VALDEZARZA...

...SOBRE TOO INTENTA AVERASE A LOS PROBLEMES DE LA MOCEDA.




NUN LU VIÉN COMO UN IGUAL POLA SO CONDICIÓN DE CURA, ASINA QU'ENTAMA TRABAYAR DE CARPINTERU...

...PERO SIGUE ENSIN AFAYASE HASTA QU'UN DÍA DE 1968:



VA PA NICARAGUA CON PEDRO REGALADO, EL SO INSEPARABLE COMPAÑERU DEL SEMINARIU, Y VIVEN XUNTOS EN SAN JUAN DEL SUR. DENDE ELLI GASPAR DIBA ATENDER LES COMUNIDAES DE SAN JUAN MIENTRES QUE REGALADO DIBA LLEVAR LES DE TOLA.



ENTE LA SEÑALDA QUE MUESTREN NES PRIMERES NAVIDAES QU'ELLI PASEN, EL PADRE BELZUNEGUI DIZ-YOS...

¡PAEZ MENTIRA NUN PAR DE MOZACOS COMO VOSOTROS!

VENÍ, VAMOS VISITAR A LA XENTE.



EL CANTAR DEL TAMBORITERU QUEDÓ INTEGRALMENTE NES TRADICIONES DE LA COMUNIDA DENTE ENTÓS.

PEL CAMÍN QUE LLEVA A BELÉN...



OTRA DE LES SOS LLUCHES DAQUELLA FOI CONTRA LOS XUGUETES BÉLICOS...

YE DEPRENDE-YOS DENDE PEQUEÑOS A MATASE ENTE HERMANOS.

ANALIZA COMO SOCIÓLOGU LO QUE NEL PAÍS TABA A LA VISTA DE TOOS: ÉLITE BLANCA, OLIGARQUÍA POLÍTICA...

NICARAGUA YE LA DESCOMANADA FINCA DE SOMOZA.

...Y EL PUEBLU.



ANDECHEN COLOS CAMPESINOS, ABREN LES CASES COMUNALES DE TOLA Y SAN JUAN, QU'AMAS DE SITIU P'ACONCEYAR VALEN TAMÉN D'ABELLUGU A LOS TEMPOREROS.



LA SO FORMA DE GANAR A LA XENTE YERA VIVIR COMO ELLOS, COMER LO MESMO QU'ELLOS...



ESTO YE COMIDA DE PROBES, PADRE.

LO QUE SOMOS.

NUN CURSU SOBRE SINDICALISMU QUE DIO A LOS ESTIBADORES DE SAN JUAN, METIERON-Y UN "OREYA" DE LA OEA PAGAU POLA CIA QUE NEL SO INFORME DIXO...



SON CURES COMUNISTES:

EL SO SUELDU Y EL SOBRANTE DE LES COLECTES DIBA A AYUDAR A LOS MAS NECESITAOS ENSIN REPERCUTIR NA DIÓCESIS, COSA QUE-Y PAECIO MAL AL OBISPU.



NUN SE PUE DIR TAN POR LUBRE.

EL SO VISTIR LLACERIOSO YERA BIEN CONOCÍO. L'ASISTENTA DE LA CASA CURAL ESCONDÍA-Y LA ROPA PA QUE NUN LA REGALARA TOA.



NAMAS GASTO DAQUÉ EN TABACU, YE'L MIO VICIU.

¿SABRÉIS PERDONARMELO?

NUNA OCASIÓN, TANDO NA CASA CURAL EL PADRE LUIS GURRIARAN AL QU'ACABABEN DE DESTINAR A SAN JUAN...



CATUCHA, ¿ULES BOLSES COLA MIO ROPA?

NUN SÉ.

¿YEREN SUYES, PADRE LUIS?

SÍ.

PUES TENDRA QUE DISCULPAME...

CREYI QUE YEREN MÍES Y REGALÉ TOLA ROPA.

*PA LOS SOMOCISTES, CUALQUIER DISIDENCIA, VINIERE D'ONDE VINIERE, YERA CONSIDERADA COMUNISMU.

LO MESMO QUE DE LA QUE TABA EN MADRID, TIEN ESPECIAL ESMOLECIMIENTU POLA MOCEDA, ASINA YE QU'ENTAMA UNA ESPECIE DE BOY-SCOUTS NOS QUE SE TRABAYEN LOS VALORES COMUNALES Y EL COMPARTIR COLOS DEMAS.



ORGANIZA MISES NAMAS PA HOMES COL ENVIS DE TRATAR CUESTIONES MACHISTES, BIEN ARRAIGONAES NA SOCIEDA RURAL DAQUELLA.




A LA ENTRUGA D'UNES MONXES QUE PASAREN UNOS DÍES EN SAN JUAN, SOBREL SO LLABOR PASTORAL, RESPONDIÓ-YOS...



LOS ABUSOS DEL HOSPITAL LLÉVENLU A TENER AMARRACES CON DALGUNOS MÉDICOS Y A GANAR FAMA DE REBELDE Y PELIGROSU.

CON MUNCHOS OTROS LLEGA A TENER MUNCHA AMISTA Y A COLLABORAR ENTE ELLOS.



TENIEN MUNCHA SONADIA LES SOS REACCIONES ENTE CIERTES COSES...

NUN ME DEAS
PERRES POLA MISA.
¡VETE MERCAR
COMIDA, HO!

NON, NON, LOS GÜEVOS,
PA LOS NEÑOS, NOSOTROS
YA NUN VAMOS CRECER,
NUN NECESITAMOS TANTO.

SI TU-Y PEGUES
A LA TO MUJER, YO
NUN TENGO POR QUÉ
NUN PEGATE A TI.



LA TEOLOGÍA DE LA LIBERACIÓN
PASA A SER LA SO GUÍA.

ENTRA NEL EQUIPU PASTORAL RURAL Y NEL CEPA
(CENTRU D'EDUCACIÓN Y PROMOCIÓN AGRARIA).



...FORMAR A LES PERSONES
EN DEMANDES Y OBLIGACIONES,
DEPUÉS EN CRISTIANISMU
CONSCIENTE Y RESPONSABLE.



NOS SOS ESCRITOS, ANQUE FUERA NUN PIDIU
DE MELECINES, DEXABA VER LA SO MANERA DE
VER LES COSES...

L'EPISCOPAU, ENTAMÓ CHARRES SOBRE LOS
MALES DEL MARXISMU. NUNA D'ELLES, GASPAR
ESPETÓ-Y A MONSEÑOR VEGA...




¡¡¡USTÉ NUN
ENTIENDE
L'EVANXELIU!!!

UN TERREMOTU ESBARRUMBA MEDIU PAÍS NA NAVIDA DE 1972, SOBRE MANERA MANAGUA. GASPAR Y REGALADO VAN PA LA CAPITAL A ECHAR UN GABITU. ELLI CONOCEN AL XESUITA FERNANDO CARDENAL Y A CARLOS MEJÍA GODOY, QUE DAQUELLA TA ENTAMANDO LA SO MISA CAMPESINA. MAS P'ALANTRE, DIBA FACER VIAXES A SAN JUAN PA SIGUIR COMPONIÉNDOLA ELLI, NA CASA CURAL.



ENTE LOS DATOS ECONÓMICOS, DECATASE DE QUE LA GUARDIA NACIONAL TA QUEDANDO COL 60% DE LES AYUDES QUE-Y APURRIA'L REXIME FRANQUISTA AL SOMOCISTA Y DENÚNCIALO. XAMAS-Y LO DIBEN PERDONAR.

MIENTRES, LA RESIGNACIÓN DE LOS CAMPESINOS SIGUE ESQUICIANDOLU.



¡ESTO NUN YE DE RECIBU!

¡TAN ROBANDO A LOS MAS PROBES!

SIGUIAMOS ARANDO SOBRE LA MAR, PEDRO.

DENDE ESTOS FECHOS, CONVÉNCESE DE QUE LA ÚNICA SALIDA YE QUE CAIGA'L REXIME.

GASPAR EMPIEZA A SER UNA OBSESIÓN PAL GOBIERNU. EL MESMU SOMOZA LLEGÓ A DICIR...



NAMAS QUE TAMOS PONIENDO PARCHES.

TENEMOS QUE FACER QUE LOS CAMPESINOS SE LLEVANTEN.

¡CÓMO ME LA ARMÓ FRANCO!

SI-Y MANDO YO P'ALLA A TRES CURES COMO ESTI... A VER CÓMO LO PASABA.

ANQUE CONSIGUEN QUE LOS DOCTORES VALDES Y CAÑIZALES PASEN CONSULTA EN SAN JUAN, SIGUEN LES TENSIONES COL DOCTOR CALDERA, QUE TIEN MONTAU UN CHAMULLU COLES MELECINES. GASPAR APROVECHA UNA PARADA DE LA PROCESION DE SELMANA SANTA PA ESPETA-Y UN SERMON DELANTRE CASA.



...LOS QUE VIENDEN A CRISTU POR 30 MONEDAS Y APOYEN EL ROBU NA SO PROFESION Y NES ARMES DE LA GUARDIA.

CONSIGUEN TAMBIEN ALCUERDOS COLES COMPANIES DE PESCA D'ESGUILA PA QUE PAGUEN UN SEGURU MEDICU QUE-Y SALGA DE BALDRE A LOS SOS TRABAYADORES...

MIENTRAS QUE'L DOCTOR CALDERA ESFALANCIA DE LOS CURES SIEMPRE QUE PUE:



ASINA, LOS DOCTORES PUEN TENER UN SUELDIN.

¿PA QUE PENSAS QUE XUBEN AL MONTE?

¡P'ABUSAR DE LES VUESTRES MUJERES!

DENDE 1974, LOS CURES DE LA ZONA FAEN UN PROGRAMA SELMANAL NA EMISORA PROSOMOCISTA RADIO RUMBOS. UN DIA SUFREN UN CORTE DE LLUZ DE LA QUE DIBEN LLEER UNA PASTORAL CRITICA COL GOBIERNU. A LA SELMANA SIGUIENTE DECIDEN QUE VAIGA GASPAR Y LA LLEA ENSIN AVISAR.



L'OTRU XUEVES NUN SE LLEÓ LA PASTORAL DE LOS NUESTROS OBISPOS. PAEZ SER QU'HEBO UN BOICOT.

ESPEREMOS QUE GÚEI NUN PASE LO MESMO.

SUSPENDEN EL PROGRAMA.

DAQUELLA, N'AMÉRICA CENTRAL, ONDE NUN LLEGABEN LOS CURES CATÓLICOS, LLEGABEN LES SECTES PROTESTANTES VINIENTES D'EE.XX. COL MENSAXE DEL FATALISMU Y LA RESIGNACIÓN.

LLEGA UNA REVISTA A MANES DE GASPAR QUE PONÍA:



GASPAR Y OTROS CURES PROPONEN SOFITAR LA ORGANIZACIÓN CAMPESINA D'ENDE'L CEPA, ESTO ECHA P'ATRAS A MUNCHOS RELIXOSOS.

L'APAICIÓN DEL TEMA DEL REPARTU DE TIERRAS EN NICARAGUA NEL TERCER NÚMERU DE LA REVISTA DEL CEPA PRODUZ ENFRENTAMIENTOS ENTE ELLOS.




L'ASELINATU DEL XESUITA RUTILIO GRANDE N'EL SALVADOR FAI QUE MUNCHOS COMPAÑEROS DE LA ORDE SALGAN DEL CEPA O MARCHEN PA ESPAÑA. EL CEPA PASA CASI A LA CLANDESTINIDA. LOS SOS PRINCIPIOS RELIXOSOS VAN SIENDO SUPERAOS POLOS SOCIALES.



SOMOZA AVEZABA A DIR A SAN JUAN DEL SUR A DESCANSAR, CADA VEGADA CON MAS GUARDIES. INSPIRAOS POL ATENTAU A CARRERO BLANCO, GASPAR Y EL 50 COMPAÑERU JUAN BRENES (MIEMBRO DEL FSLN), PLANIEN UN ATENTAU CONTRA'L DICTADOR. ESTO SUPON EL PRIMER AVERAMIENTU SERIU REGALADO INTENTA DISUADILLOS.

CON MUNCHA DINAMITA NESTA ALCANTARIELLA, DE LA QUE PASE'L COCHE.

VA SER EL FRENTE'L QUE PARE'L PROYECTU, CONVENCIENTOLOS DE QUE NUN VA CONSEGUISE'L FIN DESEYAU, EN BASE A LA ESPERIENCIA HISTORICA DE LA EXECUCION DEL PADRE DE SOMOZA POL POETA RIGOBERTO LOPEZ PEREZ EN 1956. NUN VALIA CON MATAR AL TIRANU, TENIEN D'ACABAR COLA DICATADURA.



POR FAVOR, ENTRAÍ EN RAZÓN.

LES NUEVES FORMES PASTORALES DE GASPAR Y REGALADO, AISLLENLOS DE LOS SOS COMPAÑEROS DEL SAGRAU CORAZÓN.

EL FSLN TOMA LA CASA DE CHEMA CASTILLO, GARRANDO COMO REHENES A DELLOS EMBAXADORES QU'ELLI TABEN PA CAMBIALOS POR PRESOS SANDINISTES.



ESTA ACCIÓN PRODUCIÓ MUNCHA EUFORIA EN GASPAR.

TA CERQUINA LA LLIBERACIÓN.



DAQUELLA, REFUXARON NA CASA CURAL A CAMILO ORTEGA, FUTURU HÉROE DE LA REVOLUCIÓN.

REGALADO TIEN DELLOS PROBLEMES EN TOLA Y ESTO FAI QU'INTERCAMBIEN LES PARROQUIES.

NUN PUE CAMBIAR EL RECORRÍU DE LA PROCESIÓN.

SIEMPRE SE FIXO ASINA.

EN TOLA, MUNCHA XENTE FAI CASU A DELLES FAMILIES SOMOCISTES Y A LOS PENTECOSTALES YANQUIS QUE YA TAN ELLI BIEN LLANTOAS Y CON MUNCHOS RECURSOS ECONÓMICOS.

OTRU CURA SUBVERSIVU.

PA SACAR PERRES PAL CENTRU SALÚ DE TOLA, OCURRIÓSE-Y...

VENDIERON MUNCHES ENTRAES, ENTRENÓ DURO, PERO A LA FIN, EL CAMPEÓN NUN SE PRESENTÓ Y PERDIERON PERRES QUE GASPAR PUNXO DEL BOLSU.

¿UN COMBATE DE BOXÉU?

PUN

SI.

ENTE'L CURA LA PARROQUIA Y EL CAMPEÓN NACIONAL.

SIGUE DANDO CHARRES PAL CEPA, ACOMPAÑAU MUNCHES VECES POR JUAN BRENES Y BIEN ASESORAU POR CAMILO ORTEGA.

NUN CONCEYU DE MISIONEROS DEL SAGRÁU CORAZÓN, GASPAR CÚNTA-Y A LOS SOS COMPAÑEROS...

TOI COMPROMETIU COL FRENTE SANDINISTA.

TRES MEDIAR NUN CONFLICTU NEL QUE QUIEREN ECHAR A 80 FAMILIES D'UNES TIERRAS, CHOCA COL XUEZ JAMIL, PERO ACABEN AMIGOS.



DENÚNCIALU'L COMANDANTE DE SAN JUAN POR COMBAYAR COLOS REBELDES. EL XUEZ JAMIL DEXA LA COSA PA PRAU.


AUMENTA'L LLABOR DEL FSLN EN RIVAS. GASPAR TIEN D'AFUXIR DE LOS GUARDIES NUNA PERSECUCIÓN NES CAIS. AL LLEGAR A CEPA DIZ...



TAMIÉN SIGUEN LES SOS QUEXES EN CARTES A LOS DIARIOS. LA PRENSA SOMOCISTA ENTAMA UNA CAMPAÑA CONTRA GASPAR, COLOS ARGUMENTOS AVEZAOS...



VALSE DEL SO AMIGU NAPOLEÓN PA PASAR COMPAS' DEL FRENTE A COSTA RICA. NUNA OCASIÓN, DE LA QUE LLEVABEN ÒN D'ELLOS ANTROXAU DE CURA...



"COMPAS' YE'L NOME POL QUE SE CONOZ A LOS MIEMBROS DEL FSLN.

GASPAR MUÉYASE MUNCHO PA QUE PIESLEN EL "LUZ Y SOMBRA", UN PROSTITUBU NEL QUE YERA SABÍO QUE TRABAYABEN MENORES D'EDA, PERO QUE TABA PROTExIU POLA GUARDIA NACIONAL.

TRES D'ESO, LA GUARDIA TRATA D'ATENTAR CONTRA LA SO VIDA EN TRES OCASIONES, ANQUE DEPUÉS DE FALAR COL COMANDANTE SOMARRIBA...



NUN QUEREMOS QUE-Y PASE LO MESMO QU'AL PADRE RUTILIO GRANDE.

...DECATASE DE QUE NUN LU MATARON PORQUE NUN QUIXERON.

COL ENVIS DE VER SI CALMEN LES AGÜES, VIAXA A ASTURIAS...



...XUNTO A CARLOS MEJÍA GODOY. DEXA ELLI UNA CARTA AL ARZOBISPU D'UVIEU, CUNTANDO-Y TOLOS SOCEDIOS QUE-Y VIENEN PASANDO EN NICARAGUA.

*D. Gabino Díaz Merchán
Arzobispo de Oviedo*

CREO EN VOS, ARQUITECTO, INGENIERO ARTESANO, CARPINTERO ALBANIL Y ARMADOR...

MIENTRES TA N'ASTURIAS, L'OBISPU DE GRANADA LEOVIGILDO LOPEZ, PIDE-Y AL SUPERIOR DE GASPAR QUE LU APARTE...

DÍGA-YLO USTÉ. YO NUN TENGO QUEXA DEL SO LLABOR SACERDOTAL.

A LA VUELTA'L VIAXE, L'OBISPU FALA CON EL Y ENTE LA CONFIRMACIÓN DE GASPAR DE LA SO PERTENENCIA AL FRENTE DIZ-Y...

ATÉNGASE A LES CONSECUENCIAS, PERO NUN COMPROMETA A NAIDE.

EN 1977 EL FSLN PROGRAMA ASALTAR TOLOS CUARTELES DE LA GUARDIA NACIONAL EL MESMU DÍA A LA MESMA HORA. GASPAR TIEN DE COORDINAR EL DEL CUARTEL DE RIVAS CON VENTIOCHO COMPAS, PERRONERAMENTE ARMAOS.



APÚRREN-Y UN RECAU DE QUE SE SUSPENDE LA OPERACIÓN, A MUNCHOS LLAOS L'AVISU NUN LLEGÓ A TIEMPU Y SAHERON.

ESTO COMPROMETIA A TOLOS QUE TABEN METIOS NEL ASUNTU.

TENGO D'AVISAR A LOS DE GRANADA.

SALEN PA MANAGUA, ONDE-Y CONSIGUEN VISA Y BILLETE D'AVIÓN PA GUATEMALA.

DÉXENOS PASAR, GUARDIA. SI NON EL MIO COLLACIU VA PERDER L'AVIÓN.

CON GASPAR EN SHOCK, YE REGALADO'L QUE CONDUZ A LO LLOCO Y EMPIXA A LA GUARDIA.

TOI COLORAU', PEDRO. TENGO DE MARCHAR DEL PAÍS.



¡ESPEREN, ESPEREN!

PASA A COSTA RICA, PAÍS MAS SEGURU Y ONDE TAN MUNCHOS COMPAS.

AGORA SÍ VA SER EL MOMENTU DE LA VICTORIA, GASPAR.

NA ORDE PASEN UN MES ENSIN SABER D'ÉL, HASTA QU'A LA FIN-YOS LLEGA UNA CARTA NA QUE GASPAR-YOS CONFIRMA QUE VA INTEGRASE DAFECHU NA GUERRILLA.

"TAR COLORAU" YE COMO DICÍEN EN NICARAGUA "TAR MARCAU".

FOI L'ALCUENTRU EN COSTA RICA CON MUNCHOS MOZOS QU'ÉL AYUDÓ A METESE NA GUERRILLA LO QUE-Y DIO'L PUXU DEFINITIVU PA INTEGRASE ÉL.



DAQUELLA AYÚDALI ABONDO ESTRELLA, COLA QUE FALA MUNCHO Y A LA QUE-Y APURRE'L CONTACTU COLA SO FAMILIA N'ASTURIES...

GASPAR Y ELLA SON LOS QUE DESARROLLEN EL LLABOR DE COMUNICACIÓN D'EL FRENTE, ENTREGANDO ESCRITOS O DANDO RUEDES DE PRENSA.



OTRU DE LOS SOS COMPAÑEROS D'ESA DÓMINA FOI ALEJANDRO GUEVARA, QUE VA TAR YA CON ÉL HASTA LA SO MUERTE.

ESTOS SON LOS TELÉFONOS, POR SI ME PASA DAQUÉ. !?

XUNTOS LLEVEN ARMES PAL FRENTE. SON MUNCHES LES ANÉCDOTES DE CÓMO FACÍA GASPAR PA LLIBRAR LOS CONTROLES YA FUERA FALANDO...



DESCUIDA, ALEJANDRO QUE NUN NOS GARREN.

...O CONDUCIENDO A LO LLOCO.

TRES D'UNA TEMPORADINA NA FRONTERA CON HONDURAS AYUDANDO AL FRENTE NORTE...



NUN TARDEN EN DECATASE DE QUE YE MAS ÚTIL NEL SUR.

SIGUE FACIENDO'LA SO LLABOR CON ESTRELLA NES ESTAYES D'INFORMACIÓN DEL FSLN COL ESTERIOR Y COMUNICACIÓN ENTE LOS DIFERENTES FRENTES. PA ESTO ÚLTIMO, CUALQUIER SISTEMA YERA AFA-YADIZU, MENSAXES DENTRO TUBOS DE PASTA DIENTES, EN CAXES DE CERILLES O BIBLIES...



SIGUE LA SO AMISTA COLOS HERMANOS MEJÍA GODOY...


GARRA BIEN LA GUITARRA, LUIS, YE LA TO MEYOR ARMA. ESTA TAMIÉN DISPARA.

SEGÚN LUIS, GASPAR FOI UNA PIEZA FUNDAMENTAL PA QUE SE FIXERA LA MISA CAMPESINA NICARAGÜENSE.



...Y EL ROMANO IMPERIALISTA PUÑETERO Y DESALMADO...

COINCIDIENDO COLA VISITA A CENTROAMÉRICA DEL PADRE CUSKELLY, SUPERIOR XENERAL DE LOS MISIONEROS DEL SAGRÁU CORAZÓN, APAECEN NA PRENSA DOS CARTES DE GASPAR NES QUE SE REAFIRMA COMO MIEMBRU DEL FSLN ENSIN ABANDONAR LA SO CONDICIÓN DE CURA. LA PRIMERA, DIRIXIDA AL PUEBLU NICARAGÜENSE, REMATA...



PREGUNTAU CUSKELLY POLES CARTES...

¿FIXO DALGO MALO? LA SO POSTURA YE DAQUÉ PERSONAL.

LA SEGUNDA, VA DIRIXIDA A LOS SOS HERMANOS OBISPOS Y SACERDOTES, DICIENDO-YOS QUE YE LA SO FE LA QUE-Y OBLIGA TOMAR PARTE POL FSLN Y ACABA...

GASPAR SIGUE SIENDO SACERDOTE Y MISIONERU DEL SAGRÁU CORAZÓN HASTA QU'ÉL QUIERA.

ALCUÉNTRASE PER ÚLTIMA VEGADA CON REGALADO EN COSTA RICA. ESTI VELU UN POQUÍN GACHU.

L'ASESINATU DE PEDRO JOAQUÍN CHAMORRO, DIRECTOR DE "LA PRENSA" MARCA UNA NUEVA OFENSIVA EN TOL PAÍS.



NAMAS TENGO MIEU DE NUN LLEGAR A VER UNA NICARAGUA LIBRE.

ENCARGUEN-YOS A GUEVARA, ESTRELLA Y GASPAR ENTAMAR L'ATAQUE A RIVAS...

MIENTRES CAMILO ORTEGA ORGANIZA'L DE GRANADA.



LA PRIMER ACCIÓN ARMADA DE GASPAR, UN PELÍN ACCIDENTADA, FOY'L 2 DE FEBRERU DE 1978.

DE MANO, LLANZO UNA GRANADA A UN PITERU CUNTANDO QUE YERA'L CUARTEL.



DEPUÉS CASI DISPARA A LOS SUYOS, A LA VISTA DE LO ASEMEYAOS QUE YEREN LOS SOS UNIFORMES A LOS DE LOS GUARDIES.

¡MARTÍN! QUE NEL CUARTEL NUN TIENEN PITÉS.

¡MARTÍN, CASTRÓN QUE SOI YO!

D'AQUEL ATAQUE PESÓ-Y MUNCHO LA MUERTE D'EL GUARDITA, UN EX-GUARDIA NACIONAL QU'EL MESMU RECLUTARA PA LA GUERRILLA..

*MARTÍN YERA DAQUELLA'L NOMATU DE GUERRA DE GASPAR.

EL FRENTE MANDÓ EN SECRETU UNA ESBILLA DE 16 COMBATIENTES A RECIBIR INSTRUCCIÓN GUERRILLERA EN CUBA, TOOS CON NOMATU DE GUERRA. GASPAR SIGUÍA USANDO'L DE COMANDANTE MARTÍN. D'AQUELLOS 16, NAMAS 10 DIBEN VER EL TRUNFU SANDINISTA.



XIMNASIA, KARATE, 10 KM DE CARRERA Y DEPUÉS TEORÍA POR ESPECIALIDAES. GASPAR CENTROSE NEL MANEXU D'ARMES Y ESPLOSIVOS...

...TÉCNiques DE LES QUE VA SER INSTRUCTOR DE LA QUE VUELVA PA NICARAGUA.



EL FRENTE XULGA A UNOS DESERTORES. SALVEN LA VIDA NUN POLÉMICU XUCIU.

UN "OREYA" SOMOCISTA QUE DESCUBRIERON NUN TUVO LA MESMA SUERTE.

NA MONTAÑA SIGUIÓ COL SO PLAN D'ALFAETIZACIÓN XUNTO COLA MADRE MARÍA, OTRA RELIXOSA ASTURIANA.





EL FRENTE SUR ORGANÍZASE CON ESTRUCTURA D'EXÉRCITU Y GASPAR YE PARTE DEL SO ESTAU MAYOR.

ENCARGAU DE PEQUEÑES MISIONES PA CAFIAR A LA GUARDIA, LOS SOS IMPULSOS LLEVEN A LOS XEFES A TAR TOL DÍA ECHANDO-Y EL FRENU...



NESI TIEMPU ESCRÍBE-Y AL SO HERMANU CUNTANDO-Y QUE LLEVA 4 AÑOS NA GUERRILLA.

FALA-Y DE LOS SOS "HERMANAZOS" DE MSC POLO BIEN QU'ENTENDIERON LES SOS DECISIONES.



MUNCHOS D'ELLOS COLLABORARON COLA GUERRILLA. EL PADRE LUIS Y REGALADO FUERON XOFERES DE CAMILO ORTEGA PELA ZONA...

TRES D'UN TIROTÉU A DOS MOZOS QUE REPICABEN LES CAMPANES NA SO ILESIA, LLAMANDO A LA FUELGA, EL CORONEL DE SAN JUAN LLAMÓ A REGALADO...



LA ILESIA NUN PUE METESE NESTO O PAGARA LES CONSECUENCIAS.

SI'L MIO PUEBLU TA NA CAI, ELLI TENGO DE TAR YO, AL FRENTE.

FAIGA USTÉ LO QUE-Y PETE.

EL PADRE PEDRO, ESCONDIÓ FUSILES NEL ALTAR DE LA SO ILESIA EN GRANADA. LA GUARDIA FIXO UN REXISTRU MIENTRES DABA MISA ENSIN ATOPAR NADA.

TAMIÉN FIXO TRABAYOS D'ENLLACE, MOVIENDO PERRES Y ARMES O A CAMILO ORTEGA, DEL QUE DIXO A LA SO MUERTE...



EL MIO COLLACIU, EL MIO HERMANU, EL MIO COMANDANTE. SIEMPRE LU VOI TENER PRESENTE.

FOI PIEZA FUNDAMENTAL EMPINANDO A LOS GUARDIES EL 21 D'AGOSTU DE 1978 PA QUE LLEGAREN A MANAGUA LOS UNIFORMES QU'EL FRENTE DIBA USAR NA NOMADA OPERACION CHANCHERA...

...NA QU'UN COMANDU'L FSLN AL MANDU DE DORA MARÍA TÉLLEZ Y HUGO TORRES TOMÓ'L CONGRESU NACIONAL ALGAMANDO LA LLIBERACIÓN DE 50 PRESOS POLÍTICOS DE MUNCHA SONADÍA.

FOI NESTA ACCIÓN NA QU'EDÉN PASTORA, NUN ACTU D'INDISCIPLINA, QUITÓ'L PAÑUELU QUE-Y TAPABA LA CARA BUSCANDO SER EL PÓSTER D'AQUELLA REVOLUCIÓN.



TRES D'AQUELLO, A PEDRO LLÉVENU DETENIU HASTA LA LLENDE COSTARRICENSE ONDE S'ATOPA PER ÚLTIMA VEGADA CON GASPAR.


EL FRENTE PREPARABA UNA GRAN OFENSIVA. VENSE CON FUELGOS PA LLANTASE NEL TERRITORIU NICARAGÜENSE.



VA D'ESTA, PEDRO.

OTRU COMPAÑERU COL QUE GASPAR TUVO DESPIDIDA EN COSTA RICA FOI JOSÉ ALVAREZ LOBO "CHEPE"...

DOMINICU DE NEMBRA, TAMIÉN DE FAMILIA MINERA, EDUCADOR, Y BIÓGRAFU DEL OBISPU VALDIVIESO. CUENTA CHEPE QUE'L DÍA DE SANTA BARBARA TUVIERON PAROLANDO UN CACHU LLARGU N'ASTURIANU, SOBRE LES MIRES DEL TRUNFU QUE S'ACOLUMBRABA.



SANTA BARBARA BENDITA...

...TRALARA LARA TRALARA.

...PATRONA DE LOS MINEROS...

*CORRIPA.

ENTAMA EL FRENTE UNA GRAN OFENSIVA. GASPAR TA NA POSICIÓN 13 AL MANDU D'OCHENTA COMBATIENTES, ANQUE TIEN ORDE DE NUN ATACAR, NAGUA POR FACELO. INTENTEN ASELALU PELA RADIO...



MARTÍN,
COMPORTATE.
ESPERA.

ACOLUMBREN UNA FACIENDA DE NOME EL DISPARATE, UN LLUGAR TAMIÉN CONOCIU POR L'INFIERNU, Y PIENSEN QU'ELLÍ TA LA GUARDIA.

YE 11 D'AVIENTU DE 1978. A LES 6 DE LA MAÑANA, GASPAR DISPARA. ABRESE'L FUEU CRUZAU COLOS GUARDIES...



DENDE EQUÍ
NUN SOI QUIÉN
A VER NADA.

FIRIU Y TOO, LLEVANTASE Y EMPIEZA A DISPARAR. NESI MOMENTU, UNA RABASERA ENGANCHA-Y TOLA PARTE DERECHA D'ARRIBA ABAXO. MUERRE NEL ACTU.

¡MAMININA,
DIÉRONME!

PA PA PA
RADIO SANDINO
DIO LA NOTICIA
DARREU:

"HERMANOS,
QUIERO COMUNICAVOS UNA NOTICIA
DOLIOSA. EL COMANDANTE MARTÍN,
GASPAR GARCIA LAVIANA, EL CURA
SANDINISTA, CAYÓ EN COMBATE
VA UNES POQUES HORES.
SICASÍ, NUN YE'L
MOMENTU DE LLORALI.
GÜEI, MAS QUE NUNCA,
TENEMOS DE SIGUIR
L'EXEMPLU HEROICU DE
LOS NUESTROS MARTIRES.
¡ALANTRE, COMPANEROS!"

PA PA
PA PA

EL CUERPU DE GASPAR Y LOS SOS COMPAÑEROS MUERTOS EN COMBATE TUVIERON D'ESPERAR AL TRUNFU DE LA REVOLUCIÓN PA TENER UN ENTIERRU. HEBO DISPUTA POR AÚ DIBEN REPOSAR LOS RESTOS DE GASPAR...



AL FIN, DECIDIÓSE QUE DIBEN QUEDAR NEL CEMENTERIU DE TOLA, MIENTRES QU'EN SAN JUAN QUEDABEN LES SOS BOTES, LA SO PANOLETA Y EL SO BRAZALETE DEL FSLN.



ANGUAÑO,
MUNCHOS SITIOS LLEVEN EL NOME DE GASPAR GARCÍA LAVIANA,
TANTO N'ASTURIES, LA SO TIERRA DE NACENCIA, COMO EN NICARAGUA,
EL SO PAÍS D'ACOIDA. HOSPITALES, ESCUELES, PLACES, CAIS, AVENÍES...

Gaspar García Laviana, comandante de la xusticia social, al que namás-y faltó mediu añu pa ver y esfrutar del trunfu, sigue siendo exemplu y sienda, la que siguieron miles de xentes asturianos na década siguiente cola creación del **COSAL** y les sos redes de potente solidaridá asturiana, de busca d'equidá, de llucha contra la prohibitú y contra la desigualdá obscena.

COSALes, comités de solidaridá con América llatina, qu'unviaron a **Nicaragua** centenares de persones, en brigades, en grupos de trabayu, a echar un güeyu, a intentar acompañar una revolución tan inédita, a trescalase del so ímpetu, a compensar tamién l'arremetida brutal del Norte, que con Reagan na presidencia escorrió, estrozó, asesinó a mansalva a la población nicaragüense, viendo na so humildá una vía d'amenza a los sos privilexos imperiales.

Barcos pola paz, brigadistes, enseñantes, obreros d'ENSIDESA, dalgún mineru, llabradores y maestros y enfermeres, fueron a les tierres de **Sandino** y de **Gaspar** cola so solidaridá a cuerpu y col sofitu intenso y estenso d'una rede internacionalista potente, creativa, fraternal y unitaria.

Avenies y places eternicen el so nome en Xixón, Uviéu, Llangréu, La Güeria, Llugones, o la Casa de Cultura de L'Entregu... lo mesmo que n'hospitales, cooperatives, escoles, asociaciones de muyeres, de toa Nicaragua.

En 1979 el nuevu gobiernu revolucionariu instauró l'asistencia médica pa toos, desenvolvió iniciatives de reforma agraria pa distribuyir tierres ente los llabradores, y tamién lluchó contra la prostitución y el crime organizáu. Y nun xestu guapu, los poemas de **Gaspar** fueron recoyíos nun llibru tituláu **Cantares d'Amor y Guerra**, y que foi'l primer llibru publicáu pol **Ministeriu de Cultura** del nuevu gobiernu sandinista.

Los sos poemas siguen convidando al activismu contra les inxusticies:

*La nuestra xente ta morriendo,
don Quixote, d'opresión,
nun la teas entreteniendo,
que va a la Revolución.*



Casaldáliga:

Terratenientes yeren

los qu'afogaben a los tos probes,
los qu'afueguen a la mio xente.

[...]

Les tos manes sol oleu
sangrándote,

llorándote los güeyos cielu arriba.

Dime, Gaspar,

¿qué fadríes
si volvieres?

Gaspar:

...quixi apagar
la to prohibú

con xusticia llegalista:

al nun poder

tresforméme en guerrilleru...



Dedicamos esti trabayu a la **Memoria de Gaspar García Laviana**, a los 40 años de la so llantadera en **Nicaragua**: nació na cuenca minera asturiana, **Gaspar** foi a Nicaragua como cura católicu y ellí foi tresformáu pola dura realidá de les inxusticies imperantes, optando por apoyar y axuntase a la **guerrilla sandinista**, que combatía a la tiranía de los siguidores de **Somoza**. La so muerte en combate producióse'l **11 d'avientu de 1978**, siendo nesi tiempu comandante guerrilleru del **FSLN**. El so exemplu y compromisu trescendió nel tiempu como referente d'**internacionalismu y solidaridá**: aspiramos a qu'esti cómic anime a les mocedaes actuales a estudiar y entender de les histories de rebeldía frente a la desigualdá y les inxusticies, como la de **Gaspar**, qu'ufrió la so vida poles llibertaes colectives.